

Павел

**Богословие Павла
Белокриницкого, или Первая
глава "Устава"
Белокриницкого монастыря**

**Москва
«Книга по Требованию»**

УДК 93
ББК 63.3
П12

П12 **Павел**
Богословие Павла Белокриницкого, или Первая глава "Устава" Белокриницкого монастыря / Павел – М.: Книга по Требованию, 2021. – 63 с.

ISBN 978-5-458-06119-3

Богословие Павла Белокриницкого, или Первая глава "Устава" Белокриницкого монастыря: Москва : Тип. Э. Лисснер и Ю. Роман, 1887

ISBN 978-5-458-06119-3

© Издание на русском языке, оформление
«YOYO Media», 2021

© Издание на русском языке, оцифровка,
«Книга по Требованию», 2021

Эта книга является репринтом оригинала, который мы создали специально для Вас, используя запатентованные технологии производства репринтных книг и печати по требованию.

Сначала мы отсканировали каждую страницу оригинала этой редкой книги на профессиональном оборудовании. Затем с помощью специально разработанных программ мы произвели очистку изображения от пятен, клякс, перегибов и попытались отбелить и выровнять каждую страницу книги. К сожалению, некоторые страницы нельзя вернуть в изначальное состояние, и если их было трудно читать в оригинале, то даже при цифровой реставрации их невозможно улучшить.

Разумеется, автоматизированная программная обработка репринтных книг – не самое лучшее решение для восстановления текста в его первоизданном виде, однако, наша цель – вернуть читателю точную копию книги, которой может быть несколько веков.

Поэтому мы предупреждаем о возможных погрешностях восстановленного репринтного издания. В издании могут отсутствовать одна или несколько страниц текста, могут встретиться невыводимые пятна и кляксы, надписи на полях или подчеркивания в тексте, нечитаемые фрагменты текста или загибы страниц. Покупать или не покупать подобные издания – решать Вам, мы же делаем все возможное, чтобы редкие и ценные книги, еще недавно утраченные и несправедливо забытые, вновь стали доступными для всех читателей.



Серия Книжный Ренессанс

www.samizday.ru/reprint

Первая глава изъ «Устава Бѣлокриницкаго старовѣрскаго монастыря»,

наковый Уставъ сочиненъ былъ монастырскимъ письмоводителемъ инокомъ Павломъ, подписанъ настоятелемъ монастыря и прочими должностными лицами въ 1841 году, и утвержденъ „для руководства“ старообрядцамъ австрійскимъ императоромъ Фердинандомъ въ 1844 году.

I.

ИСТИННОЕ БОГОПОЗНАНИЕ.

О существѣ, вседѣтельствѣ, и непостижимости:

Богъ есть *) существо неповинно, яко ни отъ когоже **), ни самъ отъ себе; да не будетъ отнюдъ кому возмнѣти, яко прежде не бѣ, или не совершенъ бѣ: ибо тогда послѣдовало бы отъ нужди глаголати: или созданъ, или самъ себе приведе въ божественное существо. Но ***) Богъ есть единъ, не созданъ, искони совершенъ, безначаленъ, превѣченъ и безконеченъ, якоже самъ Моусею глаголаша: †) „Азъ есмь сый!“
Еже есть

Существомъ ††), (просто рещи бытіемъ) при-носущенъ, всемогущъ, всесиленъ, и вина всячскимъ †††): яко „вся тѣмъ быша, и безъ него ничноже бысть, еже бысть; и *) „развѣ бо

*) Св. отцы: Григорій Богословъ.

**) Иоаннъ Дамаскинъ, Максимъ Грекъ.

***) Анастасій Антиохійскій, Кириллъ Александрійскій, Катих. вел. и Альфа.

†) 2 Моисей, 3. ст. 14.

††) Соборникъ 60. л. 640 Григорій Богословъ, Иоаннъ Дамаскинъ.

†††) Иоаннъ 1. зач. 1, ст. 3.

•) Во антифонѣ 7-го гласу.

его ни дѣло, ни слово совершается“. И ничтоже отъ него невозможно, даже до толпка: якоже человѣку нѣсть труда, еже на вся умомъ восхотѣти, тако и Богу, егда что точію восхоцеть, вся та дѣломъ сотворити; глаголетъ бо пророкъ: *) „Богъ нашъ на небеси и на земли, вся елика восхотѣ сотвори“. Сіе приѣмля святыи Григорій Богословъ глаголетъ: **) „Первѣе убо помысли ангельскія силы небесныя, и помышленіе дѣло бысть, Словомъ исполняемо, и Духомъ совершаемо. И тако составишася свѣтлости вторія, слуги первой свѣтлости, сирѣчь умніи духовѣ, или огонь невещественъ и безтѣлесенъ, или нѣкое же естество ино, ближайше къ реченнымъ“, ихже естества видъ и уставъ только единъ Творецъ вѣсть. Чему съ покореніемъ напиаче всѣхъ согласуетъ святыи Іоаннъ Дамаскинъ: ***) „Лѣпо бо, рече, бѣ прежде умная существа сотворити, и потомъ чувственное, и посемъ отъ обоого (существа) человѣка“. Вся же сія содѣтельствова Богъ единороднымъ и соприносущнымъ Сыномъ Словомъ своимъ, и утверди силою всесвятаго своего Духа, по глаголющему пророку: †) „Словомъ Господнимъ небеса утвердишася, и Духомъ устъ его вся сила ихъ;“ еже есть: ††) „Отцу убо умыслившу, Сыну же содѣтельствовавшу и Духу совершившущу“.

Чувственное же твореніе его въ началѣ бысть чиномъ вышеестественнымъ: пбо егда восхотѣ Богъ, шаръ неба и земли †††), акы нѣкую храмину сотворити, и сотворилъ изъ ничего. Первѣе же *) „простре (вышеобычно покровъ зданію) небо яко кожу,“ еже именуеть писаніе**) „небо небесъ,“ ***) суще беззвѣздное, безчисленною добротою отъ божественныхъ лучей сіяюще. А земля, и воды, и прочія вещи всего зданія

*) Псаломъ 113, ст. 11.

**) Богословъ во 2 словѣ на Пасху, ст. 11 и Іюлиевъ гл. 9, ст. 5.

***) Дамаскинъ въ словѣ о ангелѣхъ.

†) Псаломъ 32, ст. 6.

††) Собор. гл. 60, л. 648 на об.

†††) 1 Моисей 1.

*) Псаломъ 103, ст. 2.

**) Псаломъ 148, ст. 4.

***) Св. Дамаскинъ въ словѣ о небеси. Іоаннъ Екзархъ въ Шестодневцѣ о 1-мъ дни. Блаженный Андрей Цареградск., гл. 8.

тогда были не ино что, какъ вещество смѣшенное и погруженное во ужасной тѣмѣ и мрачномъ хаосѣ. И*) Духъ Божій носился надъ симъ влажнымъ и неустроеннымъ веществомъ.***) Не о Святѣмъ же Дусѣ здѣ писаніе глаголетъ: ибо не считается съ тварію несозданное; но духъ той баше, по глаголу святаго Андрея Цареградскаго, яже прежде всего отъ Бога сотворенъ бысть, существо вѣчнаго состава, еже есть вѣщцы, безвѣстна прохода ***) (о существѣ вѣща, яко присносущенъ, егоже сотворилъ Богъ прежде мірскаго составленія, поясняетъ Соборникъ на 8-й стихъ 2-го слова на пасху святаго Григорія Богослова). †) Потомъ сотворилъ Богъ свѣтъ. ††) Свѣтъ же не ино что, развѣ огонь. И отдѣливъ его отъ тѣмы, содѣлалъ первое раздѣленіе дня и ноци, и сіе составило *Первый день*, въ которой началось твореніе.

Обаче за сотвореніе свѣта, да не возмнимъ первобытную тѣму быти искони присносущну, да не тѣмъ отъ нужди послѣдуетъ и Бога глаголати тѣмоу изначала бывша. Но убо достоить разумѣвати †††), яко Богъ, сый свѣтъ истинный, искони совершенъ и непремѣненъ есть; точію до сотворенія дѣлъ своихъ бѣ въ молчаніи, имѣя единосущное во умѣ Слово Сына своего, егоже, по глаголу блаженнаго Андрея Цареградскаго, въ первомъ изреченіи: „да будутъ вѣщцы“ *), нетлѣнно родилъ, сирѣчь во исхожденіи Соприсносущнымъ Духомъ своимъ Святымъ отъ сердца отрыгнулъ, якоже свидѣтельствуется пророкомъ: **) „изъ чрева прежде денницы родихъ тя“. И тако отъ разумной твари познася, яко есть, въ тріехъ составѣхъ, единъ Богъ превѣчный, ***) свѣтъ истинный,

*) 1 Моисей 1.

**) Андрей Цареградскій, гл. 32. Іоаннъ Ексархъ о 1-мъ днѣ.—Хронографъ гл. 1.—3 Ездра, гл. 6, ст. 39.

***) Соборн. гл. 60, л. 646.

†) 1 Моисей 1.

††) Дамаскинъ въ словѣ о свѣтѣ.

†††) Св. Григорій Богословъ въ словѣ въ новую недѣлю. Св. Андрей Цареградскій, гл. 32.

*) Псаломъ 2 ст. 7.

**) Псаломъ 109, ст. 3.

***) Іоаннъ 1, зач. 1, ст. 9; и молитва утренняя 1-го часа.

иже просвѣщаяй и освящаяй всякаго челоуѣка, грядущаго въ мѣръ. Обаче свѣтъ, еже глаголется Богъ, не есть самое естество Бога, но точію присносущная его слава, свидѣтельствующе пророку: *) „одѣйся свѣтомъ яко ризою“. А идѣже пророкъ глаголетъ: „и положи тьму закровъ свой,“ (Псал. 17, стихъ 13) **) за непостиженіе естества его тако изрече; свидѣтельствуєтъ бо Евангеліе, да и видимое самое дѣйство показуєтъ, что ***) тьма не можетъ обладати свѣтомъ, сирѣчь темнотою своею свѣтъ покрывати: а посему разумѣвается, яко первобытная тьма не есть искони нѣкое существо, ниже потомъ сотворенное какое-либо вещество, но не ино же что, развѣ: или отъ тѣни первоначально простертаго небеси быти случися, или (аще высшее небо, по вышереченному, естествомъ и кромѣ солнца свѣтло) †) егда вода бяше всюду по земли и мгла надъ водами стояше, которая, составивъ облаки, облаки же посѣтивше сотвориша тьму, понеже и писаніе обыче вѣщати: небо помрачися облаки. Въ согласность сего свидѣтельствуютъ святыхъ отецъ ясныхъ разсужденія ††), яко тьма не существо нѣкое, но случай: егда свѣта лишеніе, тогда тьмы пришествіе.

А какъ выше помянулось твореніе Божіе въ первой день, такъ присовокупляются къ тому и прочіе дни седмицы, въ слѣдующемъ описаніи:

Во *второй день* †††) сотворилъ Богъ твердь, аки зданіе постави, якоже Исаія пророкъ глаголетъ: *) „поставивый небо, яко камару, и простеръ е, яко скинію обитати“. По толкованію Іоанна Ексарха и прочихъ святыхъ отецъ: сія твердь **), сирѣчь второе видимое небо, сверху водами покровено есть. „Покрываяй (бо

*) Псаломъ 103, ст. 2.

**) Соборникъ гл. 60, л. 640 и 649.

***) Іоан. 1, зач. 1, ст. 5.

†) Іоаннъ Ексархъ въ Шестодневцѣ о 1-мъ днѣ. Іовъ 38, ст. 9.

††) Альфа, 20. Соборникъ гл. 60, л. 687 на об. и Дамаскинъ въ словѣ о проувѣдѣніи.

†††) 1 Моисей, 1.

*) Исаія 40, ст. 22.

**) Іоанна Ексарха въ Шестодневцѣ, о 2-мъ днѣ. Іоанна Дамаскина въ словѣ о небеси. Псал. 103, ст. 3. Псаломъ 148, ст. 9.

рече Пророкъ) водами превыспренняя своя.

*) Обычай же есть Божественному писанію еще и воздухъ, иже зримъ горѣ, небо нарицати.

Въ *Третій день* **) повелѣ Богъ во внутреннемъ тверди вмѣщеніи, аки въ храминѣ, приличному быти устроенію, еже есть: ***) предѣлы морямъ, и явится суши (земли), и украсится ей древесами и травами, и приносится плодомъ. †) Въ преисподній же мѣста сгустившаяся собрася мгла, и сотвориша тамо всегда непросвѣтлую тьму.

Въ *четвертый день* ††) повелѣ Богъ, да будутъ свѣтила на тверди небесній, (аки свѣтильники для освѣщенія храмины) †††) и бысть солнце, луна и звѣзды *), дабы они правильнымъ своимъ теченіемъ показывали точнѣйшее обращеніе часовъ, измѣненіе временъ и теченіе лѣтъ **). Не отъ пнагоже естества сотворилъ ихъ Богъ, но отъ того же въ первый день сотвореннаго свѣта, какъ сказуетъ святой Іоаннъ Дамаскинъ: ***) „свѣтильникомъ бо первотворный свѣтъ вложи, не яко не имый инаго свѣта, но да nebudeтъ празденъ той свѣтъ“.

Пишется убо †), яко въ четвертый день и сатана за гордыню изъ первыя славы и свѣтлости своя отпаде, и бысть самопроизвольная злоба и помраченная тьма.

Въ *пятый день* ††) повелѣ Богъ быти рыбамъ морскимъ, и птицамъ пернатымъ и всѣмъ животнымъ, яже отъ воды.

Въ *шестый день* †††) повелѣ Богъ быти другимъ животнымъ: скотомъ, звѣремъ, и прочимъ, яже отъ земли.

На концы же всего созданія *) сотвори Богъ человекъ (мужа и жену сотвори ихъ) посреди мертвеннаго и безсмертнаго естества, еже есть:

*) Дамаскинъ въ словѣ о небеси.

**) 1. Моисей 1.

***) Іовъ 38, ст. 10] и 11. Псаломъ 103, ст. 9.

†) Св. Андрей, гл. 33.

††) 1. Моисей 1, ст. 14.

†††) Псаломъ 135, ст. 8 и 9.

*) Псаломъ 18, ст. 7. Псаломъ 103, ст. 19.— Еклисиастъ гл. 1, ст. 4, 5 и 6.

**) Соборникъ гл. 61, л. 746.

***) Дамаскинъ въ словѣ о свѣтѣ.

†) Хронографъ гл. 1 о 4-мъ дни.— Исаія 14, отъ ст. 12 до 15.— Лука 10, зач. 15, ст. 18.

††) 1 Моисей 1, ст. 20 и 21.

†††) 1 Моисей 1, ст. 24 и 25.

*) 1 Моисей, гл. 1 и 2. Алфа, 3. — Маргаритъ слово 7.

*) 5 Моисей 12, ст. 23.

**) Еккліастъ гл. 12, ст. 7. Катехиз. въ словѣхъ о души.

***) Соборникъ, гл. 60, л. 653.

†) Катехизисъ въ сл. о души.

††) Маргаритъ въ сл. 7. Григорій Богословъ въ 2 сл. на св. пасху. — II Дамаскинъ въ сл. о чело-
вѣцѣ.

†††) Соборн. гл. 60, л. 557.

*) Альфа гл. 20.— Дамаскинъ въ словѣхъ о про-
увѣдѣніи.

**) 1 Моисей гл. 2, ст. 1, 2 и 3.

***) Святый Григорій Богословъ, Анастасій Антиохійскій, Іоаннъ Дамаскинъ.

не яко прочихъ животныхъ *), въ нихже кровь вмѣсто души есть **). Но чело-
вѣку тѣло сотворилъ Богъ отъ персти земныя, а душу вдохнулъ ему отъ божественнаго своего вдохновенія, ***) не еже отъ своего существа, ниже отъ какого состава, но отъ своей содѣлательныя силы, умну и безсмертну †), ей же дѣйствию во удѣхъ плоти служитъ кровь чело-
вѣческая, аки колесница, на ней же душа носима бываетъ ††). И толика сотвори Богъ чело-
вѣка суща всего блага, яко быти ему по образу его и по подобію: по образу — не начертаніемъ тѣлеснымъ, но яко царя твари самовластнымъ са-
номъ почтилъ и разсудительною силою одарилъ, а по подобію добродѣтелию снабдилъ, еже есть: естественнымъ закономъ (совѣстію). Сверхъ же того, къ соблюденію таковаго блаженства, заповѣдію его оградилъ, того ради: да твердо знаетъ и присно помнитъ создателя своего, и согласно святой воли его †††) соблюдаетъ данную заповѣдь ему и пребудетъ наслѣдникомъ царствію его, еже есть: соединится Богу и обезсмертится; аще ли же преступитъ ю, приближится глѣнию, и будетъ страстенъ вмѣсто безстрастнаго, сирѣчь золь вмѣсто благаго, и смертенъ вмѣсто безсмертнаго. *) Понеже зло не существо кое есть, но лишеніе добродѣтели, якоже и тьма свѣта есть отшествіе. Въ первобытномъ бо твореніи Божиемъ ни что же бяже зло, но вся добра зѣло, якоже пишетъ: видѣ Богъ вся творенія своя, яко добро. И потомъ: въ седмый день **) почи Богъ отъ всѣхъ дѣлъ своихъ, яже сотвори, и благослови день той святити.

Естествомъ же ***) Богъ сый преестественъ, неизслѣдимъ и неприступенъ даже до толика:

якоже невозможно есть огня тяжесть извѣсити, невозможноѣйше же есть естество Божіе изслѣдовати, и ниже къ тому, въ немже Сый обитаетъ, кому приступити, яко и вся силы небесныя въ ня желаютъ приникнути, но говѣютъ зѣло неприступному свѣту: понеже *) живетъ (сказующу Апостолу Павлу) во свѣтѣ неприступнѣмъ. Аще ли свѣтъ неприступенъ, множае паче живяй въ немъ Богъ. Обаче добрѣ вѣмы, яко есть Богъ; а что естествомъ есть Богъ, невѣмы. **) Аще и глагола Христосъ самарянинъ, яко „Духъ есть Богъ“, но и кланятися ему достоинъ, рече, духомъ; и паки: источникъ воды живы; еще же и душа наша многажды духъ именуеть, какъ и Апостолъ Павелъ рече: ***) „самъ бо Духъ свидѣтельствуеть духови нашему;“ и паки тойже Апостолъ, согласно Моусею, глаголетъ: †) „Богъ нашъ огонь поядай есть“. Пачеже и самъ Духъ Святыи въ крещеніи Христовомъ явися голубомъ, а въ пятидесятницу на Апостолѣхъ во огненныхъ языцѣхъ. ††) Сія ли вся Богъ намъ будетъ? ни духъ точію, но и огонь, и вода, и прочее безмѣстнѣйша? Да nebudeтъ! (То бо не о естествѣ Божіемъ значеніи, но о дѣйствіяхъ его образованіи). Егда убо воображенное естество ангельское, аще и тѣмами кто любомудрствуеть, что оно есть, якоже выше речеса, обрѣсти не можетъ †††), и что глаголемъ о естествѣ ангельскомъ! но ниже самыя души наша, аще и вообразено также естество имать, отнюдъ разумѣти не можетъ, что убо сія есть: воздухъ ли, или духъ, или вѣтръ? сія убо вся тѣлесна суть, она же безтѣлесна, но паче умна; то едали уму естество обрящемъ, которой мысленно въ мгновеніи ока пролѣтаетъ каменныя

*) 1 къ Тим. гл. 6, зач. 288, ст. 16.

**) Иоаннъ 4, зач. 12, ст. 14 и 24.

***) 1 Коринѣ 5, зач. 132, ст. 5. Къ Римл. 8, зач. 97, ст. 16.

†) Къ Евреомъ 12, зач. 333, ст. 29.

††) Премудрость гл. 13, ст. 2. Маргаритъ въ сл. 5 о непостижимѣмъ.

†††) Маргаритъ въ сл. 5 о непостижимомъ.

*) Соборникъ гл. 60, л. 642, на об. Дамаскинъ въ словѣ о чловѣцѣ. Альфа во гл. 3.

**) 2 Моисей гл. 33, ст. 14, 20 и 23.

***) Иоаннъ 1, зач. 2, ст. 18.

†) Исаія 6, ст. 1.

стѣны и вся твердѣйшія преграды, и выше небесъ взимается, абіе и преисподнѣй безднѣ касается, а отъ души не отлучается! Зане *) якоже око въ тѣлѣ, тако и въ души умъ, того же существа часть пречистѣйшая есть.— Аще убо ангеловъ и своя души естества обрѣсти отнюдъ не можемъ: кольми паче естество невоображенное всѣхъ владыки и содѣтеля нашего ниже помысломъ до того коснуться можемъ!

Лицемъ, сый невидимъ, якоже Моусею глаголаше: **) „Азъ самъ предъиду предъ тобою и упокою тя, лице же мое не явитътися, не можетъ бо чловѣкъ лице мое видѣти и живъ быти“. И не только чловѣкомъ въ существѣ Бога видѣти невозможно, но ниже всѣмъ небеснымъ силамъ, якоже церковъ поеть: „Бога чловѣкомъ не удобъ видѣти, нанже не смѣють чини ангельстїи зрѣти“. Сѣдїть бо на херувїмѣхъ и видить бездны! Обаче, самъ сый простъ и несложенъ и невоображенъ есть, невидимъ и неосязаемъ, ниже описуемъ. Якоже бо невозможно показати гласу образъ: невозможнѣйше же есть кому видѣти въ существѣ Бога. Глаголетъ бо Евангелистъ: ***) „Бога никтоже видѣ нїгдѣже“. Елико же о немъ плотски речеса, образно глаголется: *Лице* убо Божїе разумѣваемъ, еже вся имѣющїи предъ собою. *Очи*— видѣніе всѣхъ дѣлъ и неугаенїе сердець чловѣческихъ и помышленїй. *Ушеса*— вся слышанїе, и молитвъ прїиманїе. *Уста*— повелѣнїя, обѣтованїя, прещенїя и ученїя. *Мьшица*— всемогущая его сила. *Руцѣ*— непостижное дѣянїе его. *Нозѣ* же— скорое исхожденїе на помощь требующимъ, и врагомъ на отмщенїе. Аще же и видѣ †) Исаїа Пророкъ на престолѣ превысоцѣ

Бога и Даниїлѣ *) ветхаго деньми, и прочіи инако; но не существомъ, а также образно точию, елико возможно естеству вмѣщати величество славы его, якоже и Апостоломъ въ преображеніи своемъ на Фаворѣ **).

Присутствованіемъ вездѣ-сый. Аще и глаголетъ Богъ усты Исаіа Пророка: ***) „Небо престолъ мой, земля же подножіе ногъ моихъ;“ обаче мѣстомъ не опредѣляемъ. Егда убо мы сами опредѣленіемъ мѣста не можемъ сказать о своей души: ибо аще скажемъ, яко душа простирается по всѣмъ членамъ, соединившись съ дебелиемъ плоти; но пѣсть тако: множицею рукамъ и ногамъ отсѣченнымъ бывшимъ, а она цѣла и неврежденна пребываетъ; аще ли скажемъ: не во всемъ тѣлѣ, но въ части нѣкой собрана пребываетъ, сирѣчь въ сердцы, пмже человекъ животное дыханіе имѣеть, или во главѣ, идѣже умъ яко царь во владычественномъ пребываетъ (одѣянъ въ санъ самовластія, имѣя подъ собою впереди мысли, созади память, а одесную и ошуюю разсужденіе и совѣсть); но ниже сіе мощно рещи: ибо тогда нужда прочимъ членамъ тѣла мертвымъ быти, бездушное бо всяко мертво есть. Но убо добръ вѣмы, яко душа есть въ тѣлеси нашемъ; какоже есть?—отнюдь не вѣмы. Кольми же паче создателя своего Бога, яко всюду есть, вѣмы; какоже есть?—не вѣмы. Свидѣтельствующу бо Давиду: †) „На всякомъ мѣстѣ владычество его“. Чему тойже и удивляися, со ужасомъ взываетъ: ††) „Камо пойду отъ Духа твоего, и отъ лица твоего камо бѣжу! аще възду на небо, ты тамо еси, еще сниду во адъ, тамо еси, аще возму крилѣ мой рано, и вселюся въ послѣднихъ моря, и тамо бо рука твоя наставитъ мя, и удержитъ

•) Давидъ 7, ст. 9 и 13.

••) Матвѣй 17, зач. 70, ст. 2.

•••) Исаіа 66, ст. 1.

†) Псаломъ 102, ст. 22.

††) Псаломъ 138, ст. отъ 7 до 11.

*) Псаломъ 76, ст. 14 и 15.

**) Св. Григорій Богословъ во 2-мъ сл. на пасху, ст. 8.

***) Премудрость гл. 1, ст. 6.

†) Псаломъ 7, ст. 10.

††) Псаломъ 138, ст. 15 и 16.

†††) Псаломъ 38, ст. 6.

*) 2 Петр. гл. 3, ст. 8 и Псал. 8, ст. 4.

**) Псаломъ 35, ст. 7. Псаломъ 104, ст. 7.

***) Къ Римляномъ гл. 11, зач. 107, ст. 33, 34, 35 и 36.

мя десница твоя“. И паки хвалословно возгласи: *) „Кто Богъ велій яко Богъ нашъ, ты еси Богъ творяй чудеса!“

*Величествомъ**)* непостижимъ, яко ни единъ помыслъ постигнути возможетъ: взыдемъ убо умныма очима выше небесъ, и ангелы преидемъ, возможили постигнути выше оныхъ превыспреннюю высоту, идѣже бы умъ могъ стати и утвердиться? — невозможно! Елико убо невозможно постигнути непостижимую ту высоту, равно глубину и широту: невозможноиѣше же есть постигнути величество Божества.

*Провидѣниемъ***)* всепредвѣдушь, свидѣтельствующу Давыду †), яко всѣхъ испытуетъ сердца и утробы; ††) не утаится бо кость наша отъ него, зане онъ ю сотворилъ есть въ тайнѣ, и несодѣланная наша видятъ очи его, и въ книзѣ его вся написана суть, и †††) пядю измѣрены онъ положилъ есть дни наша, и весь составъ нашъ ничтоже предъ нимъ, и даже все время житія сего (по сказанію въ предисловіи на 2-е Петрово посланіе), яко ничтоже есть предъ Господомъ, за еже и *) единъ день, яко тысяща лѣтъ, и тысяща лѣтъ, яко единъ день.

Премудрыми судьбами неспытанъ, якоже глаголетъ пророкъ: **) „Судьбы твоя бездна многа“. И паки, тойже рече: „По всей земли судьбы его“ къ нимъ же, аки оконцемъ приикнувъ, Апостоль Павелъ, иже нѣкогда восхощенный до третіяго небесе, и нѣкую часть того истязавъ, видѣ яко пучину безмѣрну и непостижиму, абіе отскочивъ и со ужасомъ возопивъ: ***) „О глубина богатства премудрости и разума Божія! яко не испытаны судьбы его, и не изслѣдованы путіе его. Кто бо разумѣ умъ Господень, или кто совѣтникъ ему бысть, или кто